







沙基馬嘅歌聲


-  Ursula Nafula
-  Peris Wachuka
-  dohlam
-  Cantonese
-  Level 3

(imageless edition)







沙基馬同佢爹哋媽咪，仲有四歲嘅細妹一齊住，佢哋住喺一個有錢人嘅土地上，佢哋間茅草屋喺一排大樹後面。




沙基馬三歲嗰陣病得好嚴重，自此，沙基馬就睇唔到嘢嘞。沙基馬係一個非常之有天賦嘅細蚊仔。




沙基馬今年六歲，佢識做好多同齡男仔唔識做嘅嘢，例如，沙基馬識得同條村入面嘅長老坐埋一齊討論啲好重大嘅問題。




沙基馬爹咪嚟有錢人屋企度做嘢。佢
哋每日早出晚歸，沙基馬就同細妹一齊留
嚟屋企。




沙基馬好鍾意唱歌。有日呢，佢媽咪就問
佢：「沙基馬吖，你係邊度學唱呢啲歌
呢？」




沙基馬就答佢：「佢哋自己出現喺我腦海入面，我心裡便聽到呢啲歌，就唱出嚟囉。」




沙基馬好鍾意唱歌俾佢細妹聽，特別係佢好肚餓嗰陣。細妹聽住沙基馬唱佢最鍾意嘅歌，就跟住甜美嘅歌聲擺動起上嚟。




沙基馬嘅細妹成日嗶佢：「再唱一次
啦！」噉沙基馬就重覆又重覆噉唱俾佢
聽。




有日夜晚黑，沙基馬爹咪返到屋企之後就粒聲都唔出。沙基馬知道一定有嘢唔對路。




沙基馬問爹哋媽咪發生咗咩事，佢嘍先至知道，原來有錢人個仔失咗蹤，得返佢孤單一個人，好傷心。




沙基馬同爹哋媽咪就話：「我可以唱歌俾佢聽，噉佢可能就會開心返啦。」但係沙基馬爹哋媽咪唔鍾意呢個主意：「佢好有錢嘍，而你只係一個睇唔到嘢嘅細路仔。唔通你嘅歌聲會幫到佢咩？」




但係沙基馬都有放棄，佢細妹亦都鼓勵
佢。佢就話：「沙基馬嘅歌聲既然趕得走
飢餓，肯定亦都能夠安慰有錢人。」




第二日，沙基馬等佢細妹帶佢去有錢人屋企嘅便。




佢企喺一隻大窗下面，開始唱起佢最鍾意
嘅歌。慢慢，有錢人嘅頭由窗口入面伸左
出嚟。




班工人停低咗唔做嘢。佢哋好小心聽住沙基馬唱歌。有一個人就話：「從來都冇人能夠安慰老細，唔通呢個睇唔到嘢嘅男仔覺得佢可以？」



沙基馬唱完咗首歌，準備離開。不過嗰個有錢人走咗出嚟，就話：「唔該你再唱一次啦！」



就喺嗰個時候，有兩個人抬住張擔架嚟到，擔架上嘅就係有錢人個仔！佢俾人發現嘅時候已經被人打到面目全非，留低喺路邊。



有錢人再見返佢個仔好開心。為咗感謝沙基馬安慰佢，佢將沙基馬同佢個仔一齊送咗去醫院，沙基馬好快就會恢復視力喇。



Storybooks Canada

storybookscanada.ca

沙基馬嘅歌聲

Written by: Ursula Nafula

Illustrated by: Peris Wachuka

Translated by: dohlam

This story originates from the African Storybook (africanstorybook.org) and is brought to you by Storybooks Canada in an effort to provide children's stories in Canada's many languages.



This work is licensed under a Creative Commons
[Attribution 4.0 International License](https://creativecommons.org/licenses/by/4.0/).